

मेंहदीपुर के बालाजी,
मेरा काम बणादे न,
मेरी होज्या बोड़िया ठीक,
तुं ऐसा झाड़ा लादे न ॥

मैं घुम लिया जग सारे में,
इब आगया तेरे द्वारे में,
हो इस संकट ने बालाजी,
तुं दुर हटा दे न,
मेरी होज्या बोड़िया ठीक,
तुं ऐसा झाड़ा लादे न ॥

इसी मार कसुती गैर दिए,
कर इस संकट का ढैर दिए,
इस संकट ने प्रेतराज की,
जेल दिखा दे न,
मेरी होज्या बोड़िया ठीक,
तुं ऐसा झाड़ा लादे न ॥

हर साल तेरे दर आऊंगा,
तेरी सवामणी भी लाऊंगा,
इन भुतां ने बालाजी,
तुं दुर हटादे न,
मेरी होज्या बोड़िया ठीक,

तुं ऐसा झाड़ा लादे न ॥

मेरा दादा गुरु मुरारी स,
राजेश भक्त दरबारी स,
स बल्लीराम कमालपुरिया का,
ढुँढ बसादे न,
मेरी होज्या बोड़िया ठीक,
तुं ऐसा झाड़ा लादे न ॥

मेंहदीपुर के बालाजी,
मेरा काम बणादे न,
मेरी होज्या बोड़िया ठीक,
तुं ऐसा झाड़ा लादे न ॥

गायक नरेंद्र कौशिक जी ।
प्रेषक राकेश कुमार खरक जाटान(रोहतक)
9992976579

Source:

<https://www.bharattemples.com/mehandipur-ke-balaji-mera-kaam-bana-de/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>